

Forfatter: Adolf

Titel: BREV TIL: Gyldenstjerne, Mogens FRA: Adolf (1559-09-06)

Citation: Adolf: "BREV TIL: Gyldenstjerne, Mogens FRA: Adolf (1559-09-06)", i *Breve til og fra Mogens Gyldenstjerne og Anne Sparre (1. bind)*, TRYKT HOS NIELSEN & LYDICHE (AXEL SIMMELKIÆR), s. 643. Onlineudgave fra Danmarks Breve: <https://tekster.kb.dk/text/letters-000743146-001-shoot-L0007431460010506.pdf> (tilgået 26. april 2024)

Anvendt udgave: Breve til og fra Mogens Gyldenstjerne og Anne Sparre (1. bind)

Ophavsret: Materialet er fri af ophavsret. Du kan kopiere, ændre, distribuere eller fremføre værket, også til kommercielle formål, uden at bede om tilladelse. Husk altid at kreditere ophavsmanden.

[Læs Public Domain-erklæringen](#)

Adolf, Breve til og fra Mogens Gyldenstjerne og Anne Sparre (1. bind),

Kiel, 6. September 1559.

Hertug Adolf til Mogens Gyldenstjerne.

Om Afhentningen af de 100 Læster Saltholmkalk, som Kongen har skænket Hertugen.

Vonn Gots gnadenn Adolf, erbe zu Norwegenn, hertzog zu Schließwig, Holstein, Stormarnn vnnd der Dithmarschen, grafe zu Oldennborch vnnd Delmenhorst.

Vnßernn gnedigenn grus beuorn. Gestrenger vnnd erndvhester, besonder lieber, wir machenn vnns keinenn s. 644zweiffell, jhr habt euch zuberichtenn, wie das die konn. warden zu Dennemarkenn etc., vnnßer freuntlicher glipter her vetter vnnd bruder, ein hundert last soltholmischenn kalck vns freuntlichenn vetterlichen vnnd bruederlichenn versprochen vnd gegeben, ¹⁾ auch zu dero notturfft, das berurter kalck vnns vnhinderlichenn folgen muchte, desßenn jhre konnigliche bewilligungh vnnd paßporthe freuntlich mitgeteildt. Nun ist es ann deme, das wir gedachte paßporthe vf vnnßer hofhaltunge Gottorff hinder vnns gelasßenn. Vnnd wie wir alhie jnn vnnßer stadt Kill angelangt, hat vnnßer schiffer allein nach denßelbenn gewartet, auch guthenn windt gehabt. Das er nun denßelbenn nicht verseumbt, so habenn wir jhnen gleichwoll abgefertigt vnnd diß vnßer schreibenn, damit ehr vorgebenss nicht lauffen muge, ann euch mitgeteilt, alls wir vnns nhun zu euch aller vnderthenigenn wilferigkeit versehenn. Demnach so gesinnenn wir ann euch ganntz gnediglichen, jr wollet vnns zu vnderthenigem willenn geruehenn vnnd berurtem schipper, zeigern dießes, befhelig ann die verordenten zu Soltholm mit gebenn, das er nicht allein denn kalck, so viell ehr laden kan, erlangen muge, sundern jhme auch gedachter kalck ann das schieff gebracht werde, auch sunsten vmb vnßerndt willenn alle gunstige furderung gescheen muge. Hir jnn werdet jhr euch gutwillig erzeigen, wie das gnedig vertrauwen zu euch stehet, das ßeindt wir jn gnadenn vnnd allem guthem zubedenckenn gneigt. Datum jnn vnßer stadt Kill denn 6. septembris anno etc. lixten.

A. h. z. S. Holsteynn.

(Paa en indlagt Seddel med samme Haand:)

Auch gestrenger vnnd erndhvester besonder lieber, jr werdet euch jnn dem gesuchten wilferig erzeigen. Wir s. 645wollen auch, so baldt wir denn andernn kalck erholenn lasßen, die pasporthe mit schickenn. Datum vti supra.

(Bagpaa: Spor af Seglet, Udskriften og Mogens Gyldenstjernes Paaskrift :)

Dem gestrengenn vnnd erndvhesten vnserm liebenn besondern ern Mangnus Guldensternn, amptmann zu Coppenhagenn.

Harttu Adluff.